



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Informacija
o finansijskoj podršci vanbudžetskog izvora za organizaciju
javnog dočeka Nove 2024. godine

Sarajevo, juli 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija

o finansijskoj podršci vanbudžetskog izvora za organizaciju javnog dočeka Nove 2024. godine

Strategijom razvoja Grada Sarajeva 2021.-2027., u okviru strateškog cilja 5. *GRAD HILJADU MOSTOVA*, jedan od prioriteta je pozicioniranje Sarajeva kao novogodišnjeg centra regije.

Nakon što u Sarajevu, radi pandemije COVID-19, dvije godine nije organizovan javni doček Nove godine, Grad Sarajevo je organizacijom javnog dočeka Nove 2023. godine ponovo Sarajevo stavio na poziciju novogodišnjeg centra regije.

Analiza o opravdanosti ulaganja budžetskih sredstava u organizaciju javnog dočeka Nove godine u Sarajevu, koju je uradio Ekonomski institut Sarajevo pokazala je opravdanost ulaganja budžetskog novca u ovaj događaj i na osnovu naučno izvedene, matematičke formule, dala projekciju opravdanog iznosa ulaganja za javni doček Nove 2023. godine u iznosu od cca. 500.000,00 KM.

Ulaganje u turizam je investicija, a jedna od specifičnih oblasti turizma koja se pokazala kao izvrsna u smislu i ekonomskih i dugoročnih efekata je turizam događaja kao što je organizacija javnog dočeka Nove godine.

Budžetom Grada Sarajeva za 2022. godinu osigurana su sredstva za javni doček Nove 2023. godine, uz finansijsku podršku i drugih nivoa vlasti kako slijedi:

R.b.	INSTITUCIJA	IZNOS SREDSTVA
1.	Grad Sarajevo	260.000,00 KM
2.	Turistička zajednica Kantona Sarajevo	100.000,00 KM
3.	Federalno ministarstvo kulture i sporta	15.000,00 KM
4.	Općina Stari Grad Sarajevo	10.000,00 KM
5.	Općina Centar Sarajevo	20.000,00 KM
6.	Općina Novo Sarajevo	15.000,00 KM
7.	Općina Novi Grad Sarajevo	10.000,00 KM
8.	UKUPNO	430.000,00 KM

Nakon finansijske podrške tradicionalnih partnera Grada Sarajeva u organizaciji javnog dočeka Nove godine, sada je svoj interes izrazila i NLB banka d.d. Sarajevo. Obavljen je sastanak s predstavnicima NLB banke na kojem je usaglašen stav da organizacija javnog dočeka Nove godine predstavlja događaj koji privlači veliki broj turista u Sarajevo, koji je izuzetno vidljiv, koristan i samim time zaslužuje podršku. Predstavnici NLB banke saopćili su da je menadžment ove banke donio odluku da podrži javni doček Nove 2024. godine u Sarajevu s iznosom od 100.000,00 KM. Izraženo je uvjerenje da će Grad Sarajevo, kao i do sada, biti kreativan u osmišljavanju programa i izboru izvođača, a koji će privući desetine hiljada posjetilaca. NLB banka d.d. Sarajevo prepoznala je Grad Sarajevo kao korisnog i uspješnog partnera, te najavila mogućnost finansijske podrške i drugim projektima Grada Sarajeva.

Nedugo nakon održanog sastanka, NLB banka prosljedila je Gradu Sarajevo i zvanično pismo namjere u kojem navodi da Grad Sarajevo smatraju partnerom koji Sarajevo pozicionira kao regionalni turistički centar. Izrazili su želju biti sponzori takvim nastojanjima ubuduće. Žele dati svoj doprinos da Sarajevo zadrži mjesto u vrhu turističkih destinacija za novogodišnje praznike. Ovim pismom NLB banka iskazala je interes da bude dio realizacije projekta javnog dočeka Nove 2024. godine i s tim u vezi, planiranog koncerta.

U toku su administrativni postupci s ciljem realizacije najavljene novčane podrške za ovaj regionalno značajan turistički događaj.